

Landesbibliothek Oldenburg

Digitalisierung von Drucken

**Mysta In Pulpito Simplex, seu Dissertatio Theologica, De
Simplicitate, Quam Ecclesiasticus Præsul, in suggesto,
Nunquam non, sollicitus ac satagentius obervare debet**

Nitsch, Georg

Wolffenbuttelaë, MDCCXVI

VD18 13021338

Quaestio X.

urn:nbn:de:gbv:45:1-13753

servantes, an, quæ ex DEI scriptis assumunt, suis assertionibus congruant, vel non. Vid. Comment. de Prophet. Tract. 5. Cap. 33.

Quæstio IX.

Diversarum interpretationum sententiarumque fusior ac copiosior recensio, decetne cathedram simplicem?

Resp. Dedecet. Nam

1. Non fit ad ædificationem; sed ad variæ multijugæque eruditionis ostentationem. Inaniter se talis Ecclesiastes jactat, atque mercedem suam sic abstulit.

2. Rudis plebecula inter Paulum & Augustinum, Petrum & Chrysostomum discernere nequit; Facile pro tritico etiam arripit paleam.

3. Tantum abest, ut difficultates hac ratione tolerantur, ut potius augeantur, Auditoresque incerti incertiores reddantur. Præstat igitur unicam & optimam proponere sententiam, eandemque ex textus confirmare visceribus.

Quæstio X.

De terminis exoticis, latinis, grecis, hebraeis, gallicis, italicis &c. quid ais? num & hi simplicitati officiant ecclesiasticæ?

Resp. Utique; sed excipio, qui civitati jam sunt donati & nemini facile ignorati. Cachinnum excitaret, qui pro voce Natur diceret, die Zeuge Mutter aller Dinge; pro voce Materia, der Stoff einer Sache; pro voce Clavi Cordium ein Herzens-Schlüssel; pro voce Fenster/ein Tagesleuchter; pro voce Courante ein Schritt-Lauff; pro Courante simple, ein einfältiger oder einfacher Schritt-Lauff; pro Magnet, ein Seegel-Stein; Pro Compas ein See-

See-Zeiger; pro studiren/ der guten Künste sich befeisigen. Alia autem obtineret ratio, si quis Christum Salvatorem nostrum gloriosissimum, pro concione appelleret: Duc de Jerusalem; Duodecim Apostolos, die 12. Ambassadeurs; Majestatem DEI, signoriam; Vitam æternam, Portum bonæ sperantze. De Cardinali Bembo refert Hottingerus, in Analectis, pag. 22. pro Spiritu Sancto eundem substituere solitum, Auram Zephyri cœlestis; & pro eo, quod nos dicimus remissionem peccatorum indipisci, DEOS superos, Manesque placare: Paulus Cortesius, vir alioqui non ineruditus, multum etiam sudasse creditur, ut tandem ineptiret magis. Pro Ecclesia ubique dicere; Senatus; pro Legibus ecclesiasticis, Senatus Consulta; Pro prædestinatione: Præsignatio; pro Sacerdotum ordinatione, Inititatio; Pro Angelis, Genii; pro Episcopis, Flamines, & id genus plura alia. Ast hæc à sacra pergula longissimè absunto. Devotionem quippe Audientis suffocant & Majestatem verbi cœlestis prostituunt. Incidi nuper in scriptulum, cujus frons: Aufrichtige Erwegung der Erläuterung Fürstl. Mecklenburgischen Kirchen-Ordnung/ so 1708. publiciret. Autor paginâ nonâ, in subsequenter descendit episcrisin: Gar löblich wird cap. II. n. I. verordnet / daß die Vesper mit lauter teutschen Gesängen/ und Lectionen gehalten werden soll. Dem cui bono soll das Latein aus dem Bisthumb länger gedultet werden/ da die Gemeine nicht weiß/ was gesungen/ob gebetet oder gefluchet wird; so daß Unwissende vielmehr verdriesslich und irre gemacht werden. Gleiche Bewandniß hat es mit den halb Latein und halb Teutschen/ oder mit Latein

tein untermengten Gesängen. Ja/ es ist dieses ärger/ als wenn durchgehends Latein gesungen wird/ indem hier die Gemeine mit singet/ etwas nehmlich das Teutsche. Verstehet/ etwas wieder nicht/nehmlich das Latein/auch wohl gar das Teutsche nicht einmahl alles verstehet/ weil das Haupt-Wort zu weilen Latein ist/ v. g. Ubi sunt gaudia, nirgends mehr denn da! wer weiß alhie/ worauf das nirgends mehr denn da gehet/ oder was er singet/ das nirgends mehr denn da sey? Und ich weiß nicht/ was die gemeinen unverständigen Leute/ in dem Gesange: In dulci jubilo, vers. 2. aus Trahe me post te, vor Pasteren, vers. 3. aus nostra crimina, vor Carmina, und nicht weniger in dem Gesange/ wie schön leuchtet der Morgen-Stern/ vers. 2. aus Liliū vor ein Iliū, oder Milium, vers. 3. aus gratiosa vor graculosa, oder andere ungereimte und abgeschmackte Dinge mehr machen. cap. 2. n. 1. Ex eadem ratione termini peregrini, in homiliis, sollicitiori opera sunt devitandi. Crucem namque figunt Auditoribus, & hiantes ac suspensos tenent eosdem. *Si incertum sonum tuba dederit, ita Apostolus, quis apparabitur ad bellum? ita & vos nisi per linguam bene significantem sermonem edideritis, quomodo intelligetur, quod dicitur? Eritis enim in aerem loquentes.* I. Cor. 14. 8. 9. *Maledictus pronunciat is, qui frumentum abscondit, quo corpus alitur.* Proverb. II, 26. Multo magis, qui vel sub latini, vel græci, vel gallici, vel italici, &c. sermonis velamine abscondit frumentum, quo anima potest nutriri. *Sapientia abscondita, & thesaurus invisus, quæ utilitas in utrisque?* Sic quæro cum Syracide, cap. 20, 31. Audiatur iterum Franc. Lambertus, cujus piis ac emphaticis verbis præsentem,

sentem quoque ob signabo tractationem: Latine, inquit, aut alia peregrinâ linguâ, nihil inter prophetandum, loquaris coram populo, nec textus sacros alia, quam vulgi lingua pronuncies. Si autem adsit causa exigens, ut unum & alterum verbum loquaris peregrino idiomate, sic age, ut nemo cogitet, te alioqui id fecisse, quam majoris fructus & gloria DEI causa. I. Cor. 14, 5. 13. 19. 27. Ad quid enim latina, aut lingua peregrina, ubi non est interpretatio? Quâ vanitate & nos multis seculis laboravimus. tr. 5. 5. c. 8. 9. 17. Quod si omnino quisquam vult loqui linguis in ecclesia, quæ sunt V. T. hebraicè: Quæ sunt N. gracè pronunciet; modo aut ipse, aut alius idem interpretetur. Non reprobarem, si ita fieret, imo laudarem; modo non verbotim, sed sensus plenus, absque superflua vocum observatione traderetur. Sincerus autem fuerit, si omnia vulgi lingua peragantur; facile enim seducit mentem linguarum curiositas. c. 20. Profecto nulla est sub cælo lingua, in qua non possint exactissime annunciari eloquia DEI. Nam si possunt, quæ conceperunt sic exprimere, ut capiantur, satis est ad prophetiam. Nonne possunt homines cujuscunque linguæ negotiari, docere, reprehendere, & similia cuncta facere, cum propria lingua? Vere si omnia expendimus, non nisi ad superbiam & vanitatem pertinet. Heu mihi peccatori, qui hæc scripsi, qui toties hæc in re aberravi! l. c.

Quæstio XI.

An similia sacris immiscere adlocutionibus fas?

Resp. Fas. Voco autem, ne nescias, similia duorum

T

rum